

Powšitkowne WOZJEWJENJA

njedźelu, 18. septembra 2011

Benedikcija noweje abatisy

Swjatočna benedikcija noweje abatisy klóštra Marijineje Hwězdy sotry Marije Philippy Kraft budže tutu njedźelu, 18. septembra, w 15 hodź. w klóšterskej cyrkwi. Božu mšu změje Drježdźansko-Mišnjanski biskop Joachim Reinelt. Swjećiznu abatisy přewozmje generalny abt cistercienskeho rjadu Mauro-Giuseppe Lepori z Roma. Dokelž njezměja wšitcy kemšerjo w cyrkwi městna, so Boža mša per widejo do wulkeje rumnosće blisko cyrkwy přenjese a akustisce tohorunja na klóšterski dwór. Město wosobinskich darow abo kwětkow prosy nowa abatisa wo dar za trěbne saněrowanje klóšterskeje cyrkwy.

„Bamžej cyle blisko“

Što da poprawom bamž takle wšitko čini? Hdže bydli? Čehodla ma čerwjene črije? – Na pytanje za wotmołwami na tute a dalše prašenja pod heslom „Bamžej cyle blisko“ přeprošuje Dekanatne dušepastyrstwo šulerki a šulerjow 3. a 4. lětnika sobotu, 24. septembra, wot 9 hodź. do 15 hodź. do Don Boskowneho domu we Worklecach. Zajimcy njech so prošu hač do wutory, 20. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zhromadža so wot kóždoho wobdźělnika tři eura přinoška.

Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprošuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 25. septembra, w 14 hodź. w Chrósćicach na łuce při Hatkach (za starownju). Nyšpor wobrubja wosadni dujerjo a chór Bratrowstwa. Na nim požohnuja so konjace zapřahi.

„Bamžej cyle blisko“

Što da poprawom bamž takle wšitko čini? Hdže bydli? Čehodla ma čerwjene črije? – Na pytanje za wotmołwami na tute a dalše prašenja pod heslom „Bamžej cyle blisko“ přeprošuje Dekanatne dušepastyrstwo šulerki a šulerjow 3. a 4. lětnika sobotu, 24. septembra, wot 9 hodź. do 15 hodź. do Don Boskowneho domu we Worklecach. Zajimcy njech so prošu hač do wutory, 20. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zhromadža so wot kóždoho wobdźělnika tři eura přinoška.

Zetkanje putnikow

Njebjelčanski farar Beno Jakubaš přeprošuje wšitkich, kotřiž su lětsa w serbskej skupinje z Warszawy do Częstochowy putnikowali, k sebi na faru. Zetkanje budže sobotu, 1. oktobra, w 19.30 hodź.

Duchowny koncert w Kulowje

Chór a instrumentalisća 1. serbskeje kulturneje brigady přeprašuju wšitkich na duchowny koncert do Kulowskeje farskeje cyrkwe, kotryž započnje so pónđzelu, 3. oktobra, w 19 hodź. Šulerjo za-
njesu twórby serbskich, francoskich, italskich a němskich komponistow.

Jězba do Naumburga

Dekanatne dušepastyrstwo we Worklecach přeprašuje džěci 5. a 6. lětnika wot wutory do pjatka, 18. do 21. oktobra, na jězbu do Naumburga. Džěci poputnikuja po Jakubowym puću na hród Neuenburg, wotkryja sej zajimawostki městow Naumburga a Erfurta a póndu wězo tež kupać. Za jězbu zběra so wot kóždeho wobdžělnika přinošk we wysokosći 60 eurow. Zajimcy njech so prošu hač do wutory, 4. oktobra, pod telefonowym čisłom (03 57 96) 8 87 07 we Worklecach přizjewja

Zhromadny dzeń za 1. a 2. lětnik

Šulerki a šulerjo 1. a 2. lětnika, kotřiž chcedža tójšto wo zajimawym swjatym, kiž bě wosebje z Božej stwórby zwjazany, zhonić, su přeprašene sobotu, 8. oktobra, wot 9 do 15 hodź. do Don Boskowneho domu we Worklecach. Zajimcy njech so prošu hač do wutory, 4. oktobra, pod telefonowym čisłom (03 57 96) 8 87 07 we Worklecach přizjewja. Za wudawki zběra so wot kóždeho wobdžělnika přinošk we wysokosći třoch eurow.

Koparski turněr młodžiny

Koparski turněr dekanatneje młodžiny přewjedže so pónđzelu, 3. oktobra, wot 10 hodź. w Pěskcach. Hrać budže so na małym polu dwójce sydom mjeńšin. Hólče a tež holče mustwa njech so přizjewja hač do štwórtka, 29. septembra, we Worklecach pod telefonowym čisłom (03 57 96) 9 55 95.

Serbskorěčne eksercicije we Wysokich Dubach

Maće hišće jedyn dzeń dowola? Mam namjet, kak móžeće jón wužić za wočerstwjenje a připódla so nasrěbać duchownych mocow. W Drježdžanach Wysokich Dubach wotměja so wot štwórtka, 3. nowembra, wječora hač do njedzele, 6. nowembra, připołdnja eksercicije za serbskich wěriwych. Jezuitski pater Kōst kurs přewjedže. Modlitwy a kěrlušy su serbske, přednoški němske. Nimo toho su tam přijomne stwy, dobra kuchnja a krasna wokolina za wuchodžowanje. Zajimcy njech so telefonisce přizjewja pola Marije Clausenoweje (03 57 96) 1 84 34 abo pola mje (03 59 35) 2 04 25.

T. Kubašec

Swójby zhromadnje do noweho lěta

Na zhromadne dny do Winfriedowneho domu w Schmiedebergu su swójby wot pjatka, 30. decembra 2011, do njedzele, 1. januara 2012, přeprašene. Započatk je pjatk z wječerju. Zakónčimy dny Nowe lěto z wobjedom. W tutech dnjach chcemy zhromadnje rozmyslować, so modlić, w dobrej towaršliwosći přebywać a tak do noweho lěta přeńć. Płaćizny na wosobu wučinja na dorosćeného 48 eurow, na džěco w starobje 12 do 21 lět 42 eurow, w starobje 6 do 11 lět 30 eurow, w starobje 2 do 5 lět 22 eurow. Za džěci pod dwěmaj lětomaj je wobdžělenje darmotne. Za trěbny material wuprošamy sej na wosobu tři eura. Zajimcy njech so pola Dekanatneho dušepastyrstwa we Worklecach přizjewja, telefonowe čisło (03 57 96) 9 55 95.

Daniela Čemjerowa